

## ՊԱՅՄԱՆԱԳԻՐ

Մեդիա-մոնիտորինգային ծառայությունների վճարովի մատուցման մասին  
թիվ N 281218-մ7

ք. Երևան

28 դեկտեմբերի, 2018 թ.

«Հայաստանի Հանրային Հեռուստաընկերություն» ՓԲԸ-ն (այսուհետ՝ Պատվիրատու), ի դեմս գործադիր տնօրեն Մ. Գրիգորյանի, մի կողմից, եւ «Մեդիամաքս մեդիա քոնֆանի» ՍՊԸ-ն (այսուհետ՝ Կատարող), ի դեմս տնօրեն Ա. Թադևոսյանի, մյուս կողմից, կնքեցին սույն պայմանագիրը (այսուհետ՝ Պայմանագիր) հետեւյալի մասին.

### 1. Պայմանագրի առարկան

1.1. Պատվիրատուն հանձնարարում, իսկ Կատարողը իրականացնում է Հայաստանի Հանրապետության տպագիր և էլեկտրոնային լրատվամիջոցների ամենօրյա ուսումնասիրություն, մոնիթորինգ, անհրաժեշտ տվյալների ամփոփում և ներկայացում Պատվիրատուին (այսուհետ՝ Ծառայություններ):

1.2. Պատվիրատուն Համակարգի միջոցով ստացված տեղեկությունը օգտագործում է սեփական կարիքների համար եւ իրավունք չունի այն վերավաճառել (փոխանակել) ուրիշ ձեռնարկությունների, կազմակերպությունների, այլ ֆիզիկական եւ իրավաբանական անձանց, տեղադրել Ինտերնետում:

### 2. Կողմերի իրավունքներն եւ պարտավորությունները

2.1. Կատարողը պարտավոր է՝

2.1.1. Ծառայությունները մատուցել պատշաճ որակով եւ սահմանված ժամկետներում՝ Պայմանագրի պահանջներին համապատասխան:

2.1.2. Ծառայությունները մատուցել անձամբ:

2.1.3. Պատվիրատուի պահանջով 1 (մեկ) աշխատանքային օրվա ընթացքում անհատույց վերացնել հայտնաբերված բոլոր թերությունները:

2.2. Կատարողը իրավունք ունի՝

2.2.1. Ծառայությունների մատուցման համար պահանջել Պայմանագրով նախատեսված կարգով եւ չափով վարձատրություն:

2.2.2. Պատվիրատուից պահանջել ժամանակին տրամադրել Ծառայությունների պատշաճ մատուցման նպատակով տվյալ Ծառայությանն առնչվող եւ պահանջվող փաստաթղթերը եւ տեղեկությունները:

2.2.3. Ծառայությունների մատուցման ընթացքում կամ դրանք մատուցելուց հետո

Պատվիրատուին տրամադրել մատուցված ծառայությունների հաշիվ-ապրանքագիրը:

2.3. Պատվիրատուն պարտավոր է՝

2.3.1. Պայմանագրով սահմանված կարգով եւ ժամկետում վճարել Կատարողին մատուցված Ծառայությունների դիմաց:

2.4. Պատվիրատուն իրավունք ունի՝

2.4.1. Ցանկացած ժամանակ ստուգել Կատարողի կողմից Ծառայությունների մատուցման ընթացքը եւ պահանջել Ծառայությունների մատուցման ընթացքի մասին հաշվետվություն՝ առանց միջամտելու նրա գործունեությանը:

2.4.2. Պահանջել Ծառայությունների մատուցման ընթացքում Կատարողի կողմից թույլ տրված թերությունների վերացում՝ ողջամիտ ժամկետներում:

2.4.3. Պայմանագրի շրջանակներում առաջարկություններ անել՝ կապված Ծառայությունների մատուցման հետ:

### 3. Ծառայությունների դիմաց վճարման եւ փոխհաշվարկների իրականացման կարգը եւ ժամկետները

3.1. Ծառայությունների մատուցման համար ամսական վճարման ենթակա գումարը կազմում է 96.000 (իննսունվեց հազար) ՀՀ դրամ, ներառյալ ԱԱՀ:

3.2. Վճարումն իրականացվում է համապատասխան հարկային հաշիվ ներկայացնելուց հետո՝ 10 (տաս) բանկային օրվա ընթացքում:

3.3. Պայմանագրով վճարումները համարվում են կատարված Կատարողի հաշվարկային հաշվին փոխանցման պահից:

### 4. Կողմերի պատասխանատվությունը

4.1. Պայմանագրի չկատարման կամ ոչ պատշաճ կատարման, ինչպես նաեւ պատճառված վնասների համար Կողմերը պատասխանատվություն են կրում սույն Պայմանագրով եւ ՀՀ օրենսդրությամբ սահմանված կարգով:

4.2. Կատարողը Պայմանագրում նշված Ծառայությունները անպատշաճ մատուցելու դեպքում վճարում է տույժ՝ պայմանագրի գնի 0.1%-ի չափով՝ կետանցի յուրաքանչյուր օրվա համար, սակայն ոչ ավել, քան Պայմանագրի գնի 10%-ը:

Վճարման կատարումը ուշացնելու դեպքում Պատվիրատուն Կատարողին վճարում է տույժ՝ պայմանագրի գնի 0.1%-ի չափով՝ կետանցի յուրաքանչյուր օրվա համար, սակայն ոչ ավել, քան Պայմանագրի գնի 10%-ը:

4.3. Պայմանագրով նախատեսված տույժի վճարումը Կողմին չի ազատում իր պարտավորությունները կատարելու եւ խախտումները վերացնելու պարտավորությունից:

4.4. Կատարողը իրավունք ունի հրաժարվել Պայմանագիրը կատարելուց՝ Պատվիրատուի վնասները լրիվ հատուցելու պայմանով:

4.5. Պատվիրատուն իրավունք ունի միակողմանիորեն լուծել Պայմանագիրը՝ այդ մասին 10 (տաս) օր առաջ գրավոր ծանուցելով Կատարողին՝ Կատարողի փաստացի կատարած ծախսերը վճարելու պայմանով:

### 5. Անհաղթահարելի ուժի ազդեցությունը (ՖՈՐՄ ՄԱԺՈՐ)

5.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության արդյունք, որը ծագել է սույն պայմանագիրը կնքելուց հետո, եւ որը Կողմերը չէին կարող նախատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական եւ արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը եւ այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 30 (երեսուն) օրից ավելի, ապա Կողմերից յուրաքանչյուրն իրավունք ունի լուծել Պայմանագիրը՝ այդ մասին նախապես տեղյակ պահելով մյուս կողմին: Կողմերը միմյանց են վերադարձնում մինչեւ անհաղթահարելի ուժի վրա հասնելը Պայմանագրով ստացվածն ամբողջությամբ:

### 6. Կարգավորող օրենսդրությունը եւ վեճերի լուծման կարգը

6.1. Պայմանագրով չկարգավորված հարցերը կարգավորվում են ՀՀ օրենսդրությամբ սահմանված կարգով:

6.2. Պայմանագրի կապակցությամբ եւ դրանից ծագած բոլոր վեճերը լուծվում են բանակցությունների միջոցով՝ 15 (տասնհինգ) աշխատանքային օրվա ընթացքում: Սահմանված ժամկետում համաձայնության չգալու դեպքում, յուրաքանչյուր Կողմ իրավունք ունի վեճի լուծումը հանձնել ՀՀ տարածքում իրավասու դատարանի քննությանը:

72

## 7. Պայմանագրի գործողության ժամկետը

7.1. Սույն Պայմանագիրն ուժի մեջ է մտնում 2019թ. հունվարի 1-ին եւ գործում է մինչեւ 2019թ. դեկտեմբերի 31-ը:

7.2. Պայմանագրի գործողության ժամկետը կհամարվի երկարացված անորոշ, եթե կողմերը պայմանագիրը գործողության ժամկետը լրանալուց հետո կկնքեն այդ մասին լրացուցիչ համաձայնագիր պայմանագրի գործողության ժամկետը երկարաձգելու մասին:

## 8. Եզրափակիչ դրույթներ

8.1. Այն Կողմը, որն ի վիճակի չէ կատարել Պայմանագրով ստանձնած պարտավորությունները, պարտավոր է նախապես՝ 10 (տասը) օր առաջ այդ մասին գրավոր ձևով տեղեկացնել մյուս Կողմին:

8.1. Պայմանագրի ցանկացած փոփոխություն եւ լրացում վավեր է այն պայմանով, եթե այն ձեւակերպված է գրավոր եւ ստորագրված երկուստեք:

8.2 Կողմերը չեն կարող հասկացնել կամ փոխանցել երրորդ կողմի Պայմանագրից բխող իրավունքները, պարտականությունները, առանց մյուս կողմի գրավոր համաձայնության:

8.3. Սույն Պայմանագիրը կազմված է 2 (երկու) օրինակից, որոնք ունեն հավասար իրավաբանական ուժ. յուրաքանչյուր կողմին տրվում է մեկ օրինակ:

## 9. Կողմերի ստորագրությունները եւ վավերապայմանները

Պատվիրատու	Կատարող
«Հայաստանի Հանրային Հեռուստարձկերություն» ՓԲԸ	«Մեդիամաքս մեդիա քոմփանի» ՍՊԸ
Երևան, Նորք, Գ. Հովսեփյան փող., 26 շենք	ք. Երևան, Արուսյան 8, 2-րդ հարկ
հեռ. 650015	հեռ. 54-45-31, ֆաքս. 54-54-37
«Արդշինբանկ» ՓԲԸ	«Յունիբանկ» ՓԲԸ
Հ/Հ 2470102796740000	Հ/Հ 24149000046000
ՀՎՀՀ 01540062	ՀՎՀՀ 00144609

«Հայաստանի Հանրային  
Հեռուստարձկերություն» ՓԲԸ գործադիր  
տնօրեն  
Մ. Գրիգորյան

«Մեդիամաքս մեդիա քոմփանի» ՍՊԸ  
տնօրեն

Ա. Թադևոսյան

